

SHASH MITSHETUAT KAIATUSSESHIHT

Neme pishimuss 2009, patetat-tatumitashumitannu auenitshenat tshika atusseuat anite shipit *Romaine*. Aiat tshika mitshetuak kie eshakumipipuna, tshak tshika nishutshishemitashumitannueshuat ashu nishumitashumitannu nemenu 2014. Tshekat nutim anitshenat ishkueuat kie napeuat tshak atusseht tshika utinikueat nenua atusseutshuapa ka taniti nete etussenanunit. Apu anu tshika ut mitshetiniti ne *Hydro-Québec* ukupaniema, tetaut



Ka tshikamutakanit ne atatsheikan tshetshi atshimakanit utshashumek^u. Innu ka atusset



Tshikamutakanu ne tshakuan tshak atshitashutshapanit miam pitutepanitaui utshashumekueat nete ka tshipauakaniht.




Tapititau mussipeunakana tshak tshikamutakaniti nete ka tshipashkuauakanit utshashumek^u.

nenua etashiniti auenua, tetaut nenu minuat tshika itashinua. Muk^u, uin nenu iapit atusseunnu tshika nakatuapatam^u kie kupaniesha tshetshi eka ushikuiakaniti, tanite uin nenu tipenitam^u.

*Ume aimun petshitinakanit Nashkuaikan anitshenat ekuanitshiunnuat, nutashkuaniunnuat, unaman-shipiunnuat mak pakut-shipiunnuat ui minakanuat. Nishuau peikupipuna unuipanitakanu, ui uitamuakanuat eshpannit atusseunnu anite etussenanunit nete shipit La Romaine, tan eshpannanut anite etananut kie eshpanit atusseun anite ka nakatuapatakanit assi tshetshi eka shuk^u pikunakanit kie uinakutakanit. Nashkuaikan issishuemakan « anite nashkue ka pimishkananut », ne uet ishinikatakanit kanapue ekute anite mani uapamitupanat innuat kie mamuitupanat eshk^u eka nataikanit ne shipu (unaman-shipu) kie ma issimenanut nete mamit itetshe (ne eshinikatet *Petite rivière Romaine*).*

Tshe itashinanut nete etussenanut mak tshishteikaikan tshe ishinakuak atussenanuti.



MITSHENA AISHINAKUAKI ATUSHKANA

Nete etussenanut shipit *Romaine*, mitshena atushkana aishinakuaki, anitshenat ishkuemat kie napeuat tshe atusseht : anitshenat *ingénieur* ka ishinikatakaniht, kamanutsheshiht, kauaeshtaht tshekuannu, ka pimipanihtaht mishta-utapana, anitshenat *technicien* ka ishinikatakaniht, kie kutaka. Mitshena atusseuna miam anite mashinaikanitshuapit auen ka atusset kie ma kamashinaitsheshkuue.

Anitshenat kupanieshat anite etussenanunit tauat anite matshetunanunit. Tauat anitshenat katshishaitsheshiht, kapiminueshiht, ka uitshiaushiht ka piminenanun, kaiashtuaitsheshiht, natukunitshishkuessat, ka uauitshiuat inniunit mak ka metueuiat aunenua. Kassinu anite tshekuan ishi-takuan miam anite utenat eshikanuenitashunanun, muk^u apu takuak anite ka kanuenimakaniht auassat! Kaiatusseshiht anite muk^u tauat, apu taht anite uikanishimauat.

MITSHET TSHEKUAN TUTAKANU KIASHIKATI

Nete etussenanut mak anite nepananun, tauat anite auenitshenat etusseht, peikunnetipaikana peikutshishikua. Eukuan ume mani etatussenanun, nishuasht-tatutipaikana tshetshishepaushiniti tshitshipannanu, muk^u passe ait ishinakuannu utatusseunau. Kapiminueshiht, mate, mishtauipat uniuat tshetshi aieshkushtaht shetshitshepa-mitshishunanuti, ekue ashteieshkuishiht kiashikaniti tshe minuat natshi-piminueht kashikaniti tshetshi utakuai-mitshishunanunit. Tauat passe kupanieshat tepishkaniti etusseht. Eka etussenanuti, mitshet anite tshekuan tutakanu, anitshenat kupanieshat etusseshtahk nenu mietueuiaht auenua, pinakunitshenanu, tuenua, papamutenanu kie ka tshishkauakaniht tuanat takuan.



Kaitusseshiht, ekuanitshiunnuat mak pakutshiunnuat, katshishaitsheshiht, ka uaeshtaht tshekuannu eka menupaniti mak ka uitshiaushiht nete peminuenanunit

TSHIPA MINUATENAU A ATUSSEIEK^U ?

Ishi-kanuenitashuieku tshetshi atusseiek^U nete ka manutshenanut, tshipa tshi aiminu nete etusseht ka takuaimatahk atusseuna pitukamit tshitinnu-assiuat kie ma anite atusseutshuapa tekuaki ka minakaniht atusseuna. Nete uuinakanuat atusseu-katshitapakanit etatshtet :

www.hydroquebec.com/romaine/realations/affaires.html

Ek^U mashten, shapenitameku tshetshi atusseiek^U nete *Hydro-Québec*, tshipa tshi tshitapatenau eshi-takuak atushkan nete :

www.hydroquebec.com/emplois

TANITE ETANANUT ?

Nete tshe uitshinanut

Meshta-mitshetitaii kupanieshat, ishinakuannu tshetshi minuanit anite tshe nipekuakaniht. Nete ushkat tekuaki mitshuapa, apu shuk^U katak^U anite takuak (km 1), shash anite tananuiipan neme upau-pishimua. Nishtumitashumitannu anite kaiatusseshiht tshipa tshi anite nipekuakanuat.

Nete tekuak eshnikatet kauikueshetshipanit (km 35), shash tauashkuaitshenanu nete tshe nipekuakaniht auenitshenat, tshipa itashuat peikutshishemitashumitannu ashu nishuasht-tatunnu shash tshishtakanu anite tshe manukashunanut. Shash atusseshtakanu anite tshe tshimateti mitshuapa.

Meshkanau natshishk tshe itamutakanit

Eshk^U tutakanu meshkanau tshe itamut nete tshe atussenanut. Shash nete tshi pimipatananu, 40 km ishkuumtshe ne meshkanu. Muk^U tshetshi eka auen ushukuiakaniht, anitshenat kupanieshat etusseht nete nanimissiu-ishkutenu etutakanniht, eukuan muk^U manakaniht tshetshi pimipaituht.



Ashukan eka natshishk tshe takuak



Anite mianukashunanut nete km 1

Ashukan tutakanipan, eshk^U apu tshitshue tshi pimipaitunanut

Shash tshi tutakanu anite tshe ashukashupatananut. Tshi tashkamipanua mishta-utapana nete shipit unaman-shipu tshe ut tshi ituteht nete meshta-atussenanunit, neme tshe tutakanit ushkutim nete *Romaine-2*.

Tshe ishi-nakatuenuitakanit assit tshetshi eka uinakutakanit kie pikunikanit

Neme pipun 2009, mitshet anite mashinaikana tutakanipani, netu-tshissenitakanit tshe aishpanit assi, ne utshashumek^U mate, eshi-takuak anite atamit nipit nete shipu unaman-shipu, minashkuau-atik^U, nishkitu kie ma pipunitapan mak utapana tshe pimipani nete mishta-meshkanat 138 kie eshpish tshikauapaniti utapana pemipanitaii.

ESHINNIUHT INNU-KUPANIESHAT NETE ETUSSENANUNIT, USHKUTIMA ETUTAKANITI SHIPIT, UNAMAN-SHIPU



Neme neu e tshishtuakanit takuatshi-pishim^u, nitituteti etussenanut, anite innuat etaht. Nuapamati etutuakanit auen uessi-pitutshet anite etussenanut. Mishta-minu-takushinu anite kupaniesh tekushiniti, : pushukatakanu kanapua ushkat, minakanu kanua tshe apatshiat pitutsheti anite etussenanut, ukatshipaikanishim kie apiutakannu ekue minakanit mak umatshunisha

tshe itashpishut atusseti. Uitamuakanu tan eshi-pimutenanut nete tshe apit tshe ishpish atusset.

Eimikau passe anitshenat kupanieshat, kassinu tshekat uitamuat menuatahk anite etaht mak menupiht. Passe muk^u tshiam, uitamuat emueshtatahk, nenua uitsheukanuaua kie ma uikanishuaua mueshtateuat. Tauat anitshenat passe kupanishat ka uitamuht eka tshekuannu tekuannit tshetshi tutahk mak tshi mishkut mishta-ashteieshkushiuat. Tshekat kassinu anitshenat ka ishpish aimikau innuat ka atusseht nete, nuitamakuat ua minekash atusseht anite.

Isabelle Napess
ka aiatahkh atusseunnu nete innu-assit
Ekuanitshit